

Bahan asal dari Arkib  
Negara Malaysia

## Peranan penting untuk Anwar

**KUALA LUMPUR, Khamis** — Bekas pemimpin ABIM, Encik Anwar Ibrahim yang dilantik menjadi Timbalan Menteri di Jabatan Perdana Menteri akan diberi peranan penting dalam kegiatan yang dijalankan, kata Datuk Seri Dr. Mahathir Mohamad.

Perdana Menteri, bagaimanapun tidak memberi butir-butir lanjut apakah peranan yang dimaksudkan itu.

Tetapi Encik Anwar semasa memimpin ABIM merupakan seorang tokoh Islam yang dihormati di rantau ini dan beliau memegang beberapa jawatan penting dalam Pergerakan Belia Islam di Asia dan Pasifik.

Bellau juga terkenal di kalangan pejuang-pejuang pembebasan Islam di Timur Tengah dan Eropah.

Berita Harian difahamkan Datuk Seri Dr. Mahathir akan memberi peranan berkaitan dengan kemampuannya bagi mempereratkan hubungan negara ini dengan negara-negara Islam yang lain.